

8.2.5. Criterios de valoración dos proxectos

Os criterios de valoración dos proxectos diferéncianse en función da súa tipoloxía entre produtivos e non produtivos. O FEMP e as súas normas de desenvolvemento establecen una serie de límites de axuda que non se poderán superar, en termos cuantitativos e

Táboa 101. Límites de axuda.

	APLICACIÓN DA EDLP	
	PRODUTIVOS	NON PRODUTIVOS
Importe máximo de axuda	Sen límite*	150.000€
% máximo de axuda	50% - 80%	50 - 100%

*Os proxectos suxeitos ao regulamento UE nº 1407/2013, relativo á aplicación dos artigos 107 e 108 do tratado ás axudas de *mínimis* terá como límite os 200.000€.

Cómpre indicar que estes límites e o financiamento das operacións estarán supeditados ás condicións que establece o regulamento de disposicións comúns (RDC 1303/2013) en relación á subvencionabilidade do gasto e a súa durabilidade (art. 65 e seguintes). Respetaranse as disposicións establecidas no regulamento do FEMP, en relación á determinación das porcentaxes de cofinanciación (Art 94 e seguintes). Por outra banda, tamén se terá en conta o establecido no Regulamento 1407/2013, relativo á aplicación dos artigos 107 e 108 do tratado ás axudas de *mínimis*.

A regra xeral implicará un tope de financiamento do 50%. Malia todo, teranse en consideración as seguintes excepcións á hora de determinar o grao de financiamento dos proxectos.

En relación aos proxectos produtivos:

- A porcentaxe de axuda máxima para este tipo de proxectos ascenderá ao 50% do gasto subvencionable total da operación.
- No caso de operacións vinculadas á pesca costeira artesanal a axuda poderá incrementarse ata o 80%.
- No caso de confrarías de pescadores ou asociacións profesionais do sector pesqueiro, ou asociacións integradas por ditas entidades, a porcentaxe de axuda non superará o 80%, cando a operación responda aos seguintes criterios: interese ou beneficiario colectivo ou ofrecer acceso público aos seus resultados.
- Os proxectos produtivos que se amparen no Regulamento UE nº 1407/2013 da Comisión, do 18 de decembro relativo á aplicación dos artigos 107 e 108 do Tratado

ás axudas de *mínimis* (D.O. L532 do 24/12/2013), aplicaranse as porcentaxe anteriores e limitaranse a un máximo de 200.000€ por promotor durante un período de tres exercicios fiscais.

- No caso de proxectos vinculados ás medidas incluídas nos capítulos I, II e IV do título V do Regulamento do FEMP, agás os artigos 66 e 67, debe de xustificarse claramente a súa xestión a escala local. Cando se conceda axuda para estes proxectos respectaranse os criterios establecidos para as medidas en cuestión.

En relación aos proxectos non produtivos:

- A porcentaxe de axuda máxima para este tipo de proxectos ascenderá ao 50% do gasto subvencionable total da operación.
- A porcentaxe de financiamento poderá ser do 100% cando o proxecto teña interese colectivo, sexa un beneficiario colectivo ou se ofrezca acceso público aos seus resultados.
- Os proxectos produtivos que se amparen no Regulamento UE nº 1407/2013 da Comisión, do 18 de decembro relativo á aplicación dos artigos 107 e 108 do Tratado ás axudas de *mínimis* (D.O. L532 do 24/12/2013), aplicaranse as porcentaxes anteriores e limitaranse a un máximo de 200.000€ por promotor durante un período de tres exercicios fiscais.

A selección de proxectos priorizarase en función da puntuación máis elevada que se obteña en relación a unha serie de criterios. Os mesmos agrúpanse en dous bloques:

- Bloque I: criterios excluíntes
- Bloque II: criterios de valoración

Antes de iniciar a clasificación dos criterios, pola tipoloxía de proxectos, cómpre falar do Bloque I, que son os criterios excluíntes. Estes son unha serie de factores que van a afectar a todos os proxectos e que son criterios que é necesario cumprir tanto no caso dos proxectos produtivos coma dos non produtivos: a viabilidade técnica, a viabilidade económica e financeira, a coherencia do proxecto coa EDLP, a ubicación do proxecto no territorio, e a adecuación á normativa sectorial.

1. **Viabilidade técnica.** A solicitude de admisión do proxecto virá acompañada dunha documentación que acredite a solvencia do proxecto dende o punto de vista técnico. Terase en conta a experiencia da persoa ou entidade que promove o proxecto na posta en marcha de iniciativas semellantes, os medios humanos e físicos dos que vai a dispor ou a coherencia do proxecto para a súa posta en marcha. Para acreditar a viabilidade terase en conta información procedente do Plan de Empresa ou Plan de

Xestión, ou ben outros documentos, anteprojectos, ou memorias de carácter técnico, nos cales conste a posibilidade de poder executar a iniciativa respectando os requirimentos dende o punto de vista normativo (urbanístico, ambiental,...). Este criterio é excluín-te, polo cal se requirirá unha puntuación mínima.

2. **Viabilidade económica e financeira.** Revisaranse os criterios de viabilidade económica e financeira, analizando conceptos como a taxa interna de rendibilidade (TIR), o valor actual neto (VAN), a rendibilidade económica e financeira. Estes conceptos analizaranse tendo en conta a documentación que se presente, entre eles as contas previsionais para 5 anos (contas de perdas e ganancias e balances previsionais), así como, aquelas certificacións bancarias, certificados de entidades ou institucións ou declaracións persoais que poidan acreditar a solvencia financeira da persoa ou entidade promotora. Para analizar a viabilidade do proxecto usarase a información que conste no Plan de Empresa. Para poder acceder ao financiamento do FEMP requirirase unha puntuación mínima, que de non acadarse implicaría a desestimación do proxecto. É necesario puntualizar que no caso dos proxectos non produtivos só se terá en conta a viabilidade financeira do proxecto, podéndoa acreditar co correspondente certificado bancario, ou certificado emitido pola correspondente entidade ou institución que solicite o proxecto.
3. **Coherencia do proxecto coa EDLP.** A principal finalidade que figure no proxecto deberá adecuarse aos obxectivos establecidos no Plan de Acción da estratexia, e por tanto, no FEMP. Este criterio é excluín-te polo que se requirirá unha puntuación mínima para que o proxecto obteña financiamento. Terase en conta a coherencia do proxecto en relación ás necesidades e debilidades diagnosticadas no territorio e en relación ás potencialidades ou oportunidades, que se formularon á hora de realizar o diagnóstico (DAFO). Tamén se verá o seu grao de adaptación aos retos e obxectivos que se definiron na estratexia, así como o reforzo das actividades ou empregabilidade de recursos da zona, a súa horizontalidade, entre outros.
4. **A ubicación no territorio do GALP.** Os proxectos deben estar localizados no ámbito territorial que abrangue o GALP, é dicir, que a entidade ou persoa solicitante teña o seu domicilio social ou estea empadroadada en calquera dos concellos que pertenza ao GALP. Hai que indicar que no caso de municipios densamente poboados, como o de A Coruña, só poderán optar a financiamento do programa os integrantes do sector pesqueiro e as súas familias, segundo o establecido a nivel normativo. Os proxectos deben desenvolverse no mesmo ámbito territorial.
5. **Cumprimento da normativa sectorial.** Os proxectos deben de axustarse á normativa sectorial que lles resulte de aplicación, sexa de carácter local, autonómica, estatal ou comunitaria.

Este dous últimos criterios non puntuarían nos baremos, xa que serían causas de non admisibilidade dos propios proxectos en caso de non seren cumpridos.

Táboa 102. Criterios excluíntes na valoración dos proxectos.

PUNTUACIÓNS SOBRE OS CRITERIOS EXCLUÍNTES				
CRITERIOS	PRODUTIVOS		NON PRODUTIVOS	
	MÍNIMA	MÁXIMA	MIÑIMA	MÁXIMA
Viabilidade técnica	3	5	5	5
Viabilidade económica	2	5	-	-
Viabilidade financeira	2	5	2	5
Coherencia coa EDLP	3	5	3	5
PUNTUACIÓN TOTAL	10	20	10	15

A continuación pasamos ao Bloque II, que aborda os criterios de valoración en función da

Criterios de valoración para proxectos produtivos

Os criterios de valoración dos proxectos produtivos fan referencia ás características do territorio onde se promove o proxecto, ás características da persoa ou entidade promotora, á incidencia sobre a creación de emprego, á influencia de determinados factores do territorio e a aspectos relacionados con diferentes factores vinculados aos proxectos. A continuación desglosamos cada un dos criterios, establecendo a puntuación

1. Características do territorio onde se promove o proxecto.

Este criterio proporcionará como máximo unha puntuación de 10 puntos. No caso de que un proxecto afecte de maneira directa a varios concellos ou núcleos de poboación, empregárase o criterio máis favorable como regra xeral. Este matiz aplicarase a todo tipo de proxectos. Os criterios que se terán en conta son indicadores económicos, demográficos e de emprego dos concellos. Estes criterios poderán actualizarse bianualmente, a consideración do GALP, se ben o seu cambio comportará a necesidade de publicar e informar sobre os novos criterios.

1.1 Características económicas do concello onde se promove o proxecto		
O criterio de referencia para facer a valoración será o Indicador Municipal de Renda dos Fogares (IMRF) do ano 2009 publicado polo Instituto Galego de Estatística (IGE).		
CRITERIO	CONCELLOS	PUNTUACIÓN MÁXIMA
Menor de 120	Arteixo, Cambre, Sada, Culleredo e Bergondo	5
Maior de 120	A Coruña, Oleiros	4
Puntuación máxima neste apartado		5

1.2 Características demográficas do concello onde se promove o proxecto		
O criterio de referencia para facer a valoración será o Índice de envellecemento da poboación do ano 2015 publicado polo Instituto Galego de Estatística (IGE).		
CRITERIO	CONCELLOS	PUNTUACIÓN MÁXIMA
Máis de 150	Bergondo	4
Entre 121-150	Sada e A Coruña	3
Entre 91-120	Oleiros	2
Entre 61-90	Culleredo, Arteixo e Cambre	1
Puntuación máxima neste apartado		4

1.3 Características laborais do concello onde se promove o proxecto		
O criterio de referencia para facer a valoración será a porcentaxe de paro rexistrado sobre a poboación de 16 a 64 anos, publicado polo Instituto Galego de Estatística (IGE) en 2015.		
CRITERIO	CONCELLOS	PUNTUACIÓN MÁXIMA
Entre 12,1% e 14%	Arteixo, A Coruña, Culleredo	3
Entre 10,1% e 12%	Sada, Bergondo, Cambre	2
Igual ou menor 10%	Oleiros	1
Puntuación máxima neste apartado		3

2. Características da persoa ou entidade promotora.

Este criterio proporcionará como máximo 10 puntos. Teranse en conta as características das persoas ou entidades promotoras priorizando en función das mesmas, co obxectivo de favorecer unha maior integración e cohesión social no territorio. Diferenciaremos se o proxecto é presentado por unha persoa física ou xurídica, tendo en consideración a súa pertenza ao sector pesqueiro (traballar ou desenvolver actividade profesional no mesmo). Unha das prioridades a maiores, á que se tentará dar resposta e priorizar, é a da promoción da igualdade e o reforzo da cohesión social nos territorios. Para isto preténdese favorecer a integración de determinados colectivos que por diferentes razóns teñen máis dificultades á hora de acceder ao emprego ou á hora de promover iniciativas. Estes colectivos desfavorecidos, que van a ser priorizados á hora de baremar os proxectos, son:

- Mulleres.
- Persoas con idade inferior a 55 anos, en demanda activa de emprego ou que queiran emprender un negocio como saída ao desemprego.
- Persoas maiores de 55 anos.
- Persoas paradas de longa duración, entendendo por tales aquelas que por un período superior a 12 meses se atopen inscritas en procura de emprego nos servizos de emprego estatais, independentemente do perfil de idade ou profesional que acredite.
- Persoas con discapacidade igual ou superior ao 33%.
- Persoa inmigrante ou emigrante retornada, que acredite tal situación.
- Persoas con dificultades de integración social: perceptores de Risga, presos, toxicómanos, etc.
- Persoas en risco de exclusión social: pobreza, vulnerabilidade ou marxinación, que acrediten tal situación.

2.1. Proxectos promovidos por persoas físicas

O criterio de referencia para facer a valoración é o de que a persoa ou entidade promotora pertenza ao sector pesqueiro, o xénero, a idade, a situación persoal ou social e laboral.

CRITERIOS	PUNTUACIÓN MÁXIMA
2.1.1. Persoa/entidade de alta no sector pesqueiro.	10
2.1.2. Persoa/entidade doutros sectores diferentes do anterior, que tente poñer en marcha negocios que poñan en valor os recursos/productos pesqueiros, as actividades ou o patrimonio pesqueiro.	8
2.1.3. Mulleres.	5
2.1.4. Persoa con idade inferior aos 55 anos en demanda de emprego ou emprendedora de negocio.	5
2.1.5. Persoa con discapacidade igual ou superior ao 33%.	5
2.1.6. Persoa con problemas de integración social ou en risco de exclusión.	5

2.1.7. Persoa parada de longa duración.	5
2.1.8. Inmigrante, emigrante retornado ou persoa maior de 55 anos.	5
Puntuación máxima neste apartado	10

2.2. Proxectos promovidos por persoas xurídicas

O criterio de referencia para facer a valoración é o de pertencer ao sector pesqueiro, ser unha entidade de economía social, que a entidade estea composta por persoas dos citados colectivos desfavorecidos, e tamén outro tipo de entidades.

CRITERIOS	PUNTUACIÓN MÁXIMA
2.2.1. Persoas xurídicas vinculadas ao sector sector pesqueiro.	10
2.2.2. Persoas xurídicas con proxectos ou actividades que poñan en valor os recursos/productos pesqueiros, as actividades ou o patrimonio pesqueiro.	8
2.2.3. Entidades públicas locais con proxectos dirixidos á comunidade pesqueira ou beneficiosos para o sector.	6
2.2.4. Empresa de economía social: cooperativas, sociedades laborais, empresas de inserción social, centros especiais de emprego, SAT,...	7
2.2.5. Empresa constituída por colectivos desfavorecidos (máis do 25% das persoas socias): mulleres, mozos e mozas, maiores de 55 anos, persoas discapacitadas ou con problemas de integración social ou en risco de exclusión, emigrantes, retornados.	7
2.2.6. Outro tipo de entidades non contempladas nos apartados anteriores.	7
Puntuación máxima neste apartado	10

3. Incidencia sobre a creación de emprego.

Este criterio proporcionará como máximo 20 puntos. A creación de emprego, xunto coa cohesión social das zonas pesqueiras, é a principal finalidade que pretende abordar o FEMP. Os principais factores que determinarán a puntuación neste apartado son: que constitúan novos postos de traballo ou ben que supoña a consolidación de empregos xa existentes. Para o cálculo deste factor terase en conta o emprego neto xerado, facendo referencia ás unidades de traballo anual (UTA). Cómpre indicar que neste apartado se terá en conta a contía do proxecto, primando na valoración os proxectos de menor contía, fronte ao mesmo número de empregos xerados ou consolidados nos proxectos de maior contía.

3.1. Incidencia sobre as características e o número de empregos creados	
O criterio de referencia para facer a valoración é o do número de empregos que se xeran no sector pesqueiro ou noutros sectores, ou a creación de emprego dos colectivos desfavorecidos.	
CRITERIOS	PUNTUACIÓN MÁXIMA
3.1.1. Creación do emprego neto en actividades vinculadas ao sector pesqueiro (2 puntos por emprego xerado ou a parte proporcional correspondente).	10
3.1.2. Creación do emprego neto (2 puntos por emprego xerado ou a parte proporcional correspondente).	8
3.1.3. Creación de emprego de colectivos desfavorecidos (1 puntos por emprego xerado ou a parte proporcional correspondente).	4
Puntuación máxima neste apartado	15

3.2. Incidencia do emprego xerado ou consolidado en función do importe do investimento realizado	
O criterio de referencia para facer a valoración é o emprego creado/consolidado por cada 25.000€ de investimento. O coeficiente que se aplica é: número de empregos xerados/investimento aceptado*25.000.	
Tanto na creación como na consolidación de emprego, terase como referencia as UTA (unidade de traballo anual) ou fracción de UTA, isto é, 1 emprego supón traballar a tempo completo durante todo o ano; de traballar a tempo parcial ou parte do ano contarase a fracción de UTA que corresponda. Só se puntuará cando se supere un mínimo de 0,25 UTAS.	
3.2.1 COEFICIENTE DE CREACIÓN DE EMPREGO	PUNTUACIÓN MÁXIMA
Maior ou igual a 4	5
De 3 a 4 (3<= C <4)	4
De 2 a 3 (2<= C <3)	3
De 1 a 2 (1<= C <2)	2
De 0 a 1 (0< C <1)	1
3.2.2 COEFICIENTE CONSOLIDACIÓN DE EMPREGO	PUNTUACIÓN MÁXIMA
Maior ou igual a 5 (5<= M)	5
De 3 a 5 (3<= M <5)	4
De 0 a 3 (1<= M <3)	3
Puntuación máxima neste apartado	5

4. Incidencia sobre diferentes factores do territorio

Este criterio proporcionará como máximo 20 puntos. Teranse en conta factores como a incidencia en aspectos estratéxicos para a economía local, a súa incidencia medioambiental, a utilización e enerxías renovables ou a mellora da eficiencia enerxética.

4.1. Incidencia sobre aspectos estratéxicos para o territorio.	
O criterio de referencia para facer a valoración é que o obxectivo xeral do proxecto estea relacionado cunha serie de factores que son considerados como “clave” para o desenvolvemento sostible do territorio. Terase en conta como referencia a relación directa do obxectivo xeral do proxecto cos seguintes factores:	
CRITERIOS	PUNTUACIÓN MÁXIMA
4.1.1. Uso sostible dos recursos, preservación, conservación e valorización dos recursos endóxenos do territorio e mellora ambiental.	10
4.1.2. Aproveitamento, preservación e valorización dos recursos pesqueiros, melloras nas condicións laborais do sector, innovacións no sector.	10
4.1.3 Aproveitamento do patrimonio cultural material e inmaterial vinculado ao mar (carpintería de ribeira, tradicións, oficios artesanais, etc.).	8
4.1.4 Iniciativas de turismo mariñeiro, turismo náutico, e actividades de lecer relacionadas co litoral.	8
Puntuación máxima neste apartado	10

4.2. Incidencia sobre aspectos medioambientais.	
O criterio de referencia para valorar é o impacto que pode xerar o proxecto na redución da pegada de carbono e emisións contaminantes, reducindo o impacto ambiental no territorio.	
CRITERIOS	PUNTUACIÓN MÁXIMA
4.2.1. Incidencia na adopción de medidas de mellora da calidade das augas e xestión eficiente da auga e os recursos hídricos.	5
4.2.2. O promotor dispón de certificacións de xestión medioambiental ou comprométese á súa obtención.	5
4.2.3. Adopción de prácticas medioambientalmente sostibles reguladas en diferentes normativas ou manuais.	5
4.2.4. O proxecto implica una redución, reutilización ou reciclaxe de residuos no territorio (diferentes aos esixidos por lei).	5
4.2.5. Actividades molestas en solo industrial.	4
Puntuación máxima neste apartado	5

4.3. Incidencia na mitigación e adaptación ao cambio climático e transición a unha economía de baixas emisións de carbono

O criterio de referencia incide en accións concretas relacionadas coa mellora da eficiencia ou o aproveitamento enerxético ou utilización de enerxías renovables.

CRITERIOS	PUNTUACIÓN MÁXIMA
4.3.1. Utilización de enerxías renovables.	5
4.3.2. Adquisición, utilización ou reformas de equipos, equipamentos, etc. ou instalacións, reformas que melloren a eficiencia enerxética.	5
4.3.3. O proxecto implica a investigación relacionada cos aproveitamentos enerxéticos (enerxía maremotriz, biocombustibles mariños,...).	5
Puntuación máxima neste apartado	5

5. Aspectos relacionados coas características do proxecto

Este criterio proporcionará un máximo de 20 puntos. Este grupo de factores fai referencia a diferentes aspectos relacionados coas características e a natureza do proxecto que se vai a poñer en marcha. Valorarase a súa capacidade de innovación, o seu carácter integrador e a súa capacidade de transferencia

5.1. Carácter innovador do proxecto

O carácter innovador non implica só as innovacións tecnolóxicas, senón tamén aquelas transformacións que se dan en relación á maneira de facer as cousas, isto é, nos procesos. O criterio incide no carácter novidoso do proxecto: que o proxecto sexa unha actividade innovadora ou inexistente no territorio; que implique unha innovación ou integración de TIC na cadea vertical da pesca ou noutros sectores estratéxicos da economía local; ou que supoña unha innovación nas prácticas e condicións de traballo e seguridade da poboación pesqueira.

CRITERIOS	PUNTUACIÓN MÁXIMA
5.1.1. Actividade innovadora ou inexistente no concello onde se promova o proxecto. Xuntarase informe de IAE do concello ou entidade competente.	10
5.1.2 Innovación ou incorporación de TIC na cadea vertical da pesca, novos produtos, servizos, aproveitamentos, tratamentos ou novas actividades.	10
5.1.3 Innovación en materia de prácticas, seguridade, saúde e hixiene no traballo da pesca.	10
5.1.4. Incorporación ou innovación de TIC noutros sectores.	7
Puntuación máxima neste apartado	10

5.2. Carácter integrado do proxecto

Este apartado centraríase en valorar a capacidade que ten o proxecto para integrar vertical ou horizontalmente a actividade do sector pesqueiro (conexión da produción – valorización – transformación – comercialización) ou doutros sectores. Tamén a capacidade para fomentar estratexias de cooperación e colaboración con outras entidades como centros de investigación, formación, universidades,... Por último ver se o proxecto recolle a conexión entre a zona desfavorecida onde se promove e a súa conexión cara un mercado potencial ou incipiente, ou mercados de proximidade.

CRITERIOS	PUNTUACIÓN MÁXIMA
5.2.1. Integra vertical ou horizontalmente actividades do sector pesqueiro.	5
5.2.2. Integra vertical ou horizontalmente actividades doutros sectores.	3
5.2.3. Cooperación ou colaboración entre entidades do territorio, ou aproveitamento conxunto de recursos do mesmo.	3
5.2.4 Colaboración con centros de investigación, formación, universidades, ou establecemento de redes, sinerxías entre entidades.	3
5.2.5 Conexión cun mercado incipiente, ou mercados de proximidade.	2
Puntuación máxima neste apartado	5

5.3. Capacidade de transferencia e capacidade de arrastre do proxecto

A capacidade de transferencia refírese ás posibilidades que ten o proxecto para ser exportado a outros lugares do territorio, ou ben de fóra do territorio. A capacidade de arrastre valorará o efecto multiplicador do proxecto, e a súa capacidade motora, para estimular o xurdimento de novas iniciativas na zona ou afianzar empresas e actividades existentes.

CRITERIOS	PUNTUACIÓN MÁXIMA
5.3.1. Capacidade de transferencia no territorio.	3
5.3.2. Capacidade de transferencia fóra do territorio.	2
5.3.3. Capacidade de arrastre do proxecto.	2
Puntuación máxima neste apartado	5

Criterios de valoración para proxectos non produtivos

Algúns dos criterios empregados para a valoración dos proxectos non produtivos son similares aos criterios para os proxectos produtivos, incluíndo factores relacionados coas características do territorio, coas características das entidades promotoras e das persoas beneficiarias, a incidencia sobre determinados factores do territorio e por último,

1. Características do territorio onde se promove o proxecto.

Este criterio proporcionará como máximo unha puntuación de 10 puntos. No caso de que un proxecto afecte de maneira directa a varios concellos, empregárase o criterio máis favorable como regra xeral. Este matiz aplicarase a todo tipo de proxectos. Os criterios que se terán en conta son uns indicadores económicos, demográficos e de emprego dos concellos. Estes criterios poderán actualizarse bianualmente, a consideración do GALP, se ben o seu cambio comportará a necesidade de publicar e informar sobre os novos criterios.

1.1 Características económicas do concello onde se promove o proxecto		
O criterio de referencia para facer a valoración será o Indicador Municipal de Renda dos Fogares (IMRF) do ano 2009 publicado polo Instituto Galego de Estatística (IGE).		
CRITERIO	CONCELLOS	PUNTUACIÓN MÁXIMA
Menor de 120	Arteixo, Cambre, Sada, Culleredo e Bergondo	5
Maior de 120	A Coruña, Oleiros	4
Puntuación máxima neste apartado		5

1.2 Características demográficas do concello onde se promove o proxecto		
O criterio de referencia para facer a valoración será o Índice de envellecemento da poboación do ano 2015 publicado polo Instituto Galego de Estatística (IGE).		
CRITERIO	CONCELLOS	PUNTUACIÓN MÁXIMA
Máis de 150	Bergondo	4
Entre 121-150	Sada e A Coruña	3
Entre 91-120	Oleiros	2
Entre 61-90	Culleredo, Arteixo e Cambre	1
Puntuación máxima neste apartado		4

1.3 Características laborais do concello onde se promove o proxecto

O criterio de referencia para facer a valoración será a porcentaxe de paro rexistrado sobre a poboación de 16 a 64 anos, publicado polo Instituto Galego de Estatística (IGE) en 2015.

CRITERIO	CONCELLOS	PUNTUACIÓN MÁXIMA
Entre 12,1% e 14%	Arteixo, A Coruña, Culleredo	3
Entre 10,1% e 12%	Sada, Bergondo, Cambre	2
Igual ou menor 10%	Oleiros	1
Puntuación máxima neste apartado		3

2. Características da entidade promotora e das persoas beneficiarias.

Este criterio proporcionará como máximo 25 puntos. Teranse en conta as características das entidades promotoras, diferenciando entre as públicas e as privadas. En ámbolos dous casos darase prioridade aos proxectos que se promovan de forma conxunta, co obxectivo de reforzar a cohesión, a vertebración e o impacto social das medidas que se vaian a poñer en marcha.

2.1. Proxectos promovidos por entidades privadas e entidades públicas

O criterio de referencia para facer a valoración é a tipoloxía de entidades que promoven os proxectos e por quen están compostas. No caso das entidades públicas priorizaranse os proxectos de entidades supramunicipais, ou ben que sexan promovidos por varios concellos, para favorecer a prestación de servizos públicos e a vertebración do territorio.

No caso de entidades privadas terase en conta a tipoloxía de entidades, en función da súa composición societaria ou obxecto social, priorizando tamén a presentación conxunta de proxectos.

CRITERIOS	PUNTUACIÓN MÁXIMA
2.1.1. Proxecto de confrarías, asociacións e entidades do sector pesqueiro.	10
2.1.2. Proxecto de entidades públicas.	10
2.1.3. Proxecto promovido por entidades da economía social.	8
2.1.4. Proxecto de entidades asociativas do ámbito da igualdade, discapacidade ou integración/exclusión social.	8
2.1.5. Proxecto de entidades que teñan entre as súas persoas socias alomenos o 15% de mulleres, mozos/mozas, maiores de 55 anos (cumprir 1 criterio).	8
2.1.6. Proxecto de entidades que teñan entre as súas persoas socias alomenos o 2% de persoas con discapacidade.	8
2.1.7. Proxecto de ámbito supramunicipal (afecte a 2 ou máis concellos).	5
2.1.8. Proxecto promovido por 2 ou máis entidades.	5

Puntuación máxima neste apartado	15
2.2. Proxectos que teñan como destinatarios a determinados colectivos ou que promovan a igualdade	
O criterio de referencia para facer a valoración é o de que os beneficiarios ou destinatarios do proxecto pertencen ao sector pesqueiro, que sexan persoas dos citados colectivos desfavorecidos, ou que promovan a igualdade e a non discriminación.	
CRITERIOS	PUNTUACIÓN MÁXIMA
2.2.1. Persoas con vinculación persoal, laboral ou profesional co sector pesqueiro	10
2.2.2. Proxecto dirixido aos nomeados como colectivos desfavorecidos	10
2.2.3 Proxectos que promovan a igualdade entre homes e mulleres e a non discriminación	10
Puntuación máxima neste apartado	10

3. Incidencia sobre diferentes factores do territorio

Este criterio proporcionará como máximo 25 puntos. Teranse en conta factores como a incidencia sobre aspectos estratéxicos para a economía local, a súa incidencia sobre aspectos sociais e de mellora da validez de vida das poboacións locais e a incidencia na mitigación e adaptación ao cambio climático e transición a unha economía de baixas emisións de carbono.

3.1. Incidencia sobre as aspectos estratéxicos para o territorio.	
O criterio de referencia para facer a valoración é que o obxectivo xeral do proxecto estea relacionado cunha serie de factores que son considerados como “clave” para o desenvolvemento sostible do territorio e o reforzo da súa cohesión social. Terase en conta como referencia a relación directa do obxectivo xeral do proxecto cos seguintes factores:	
CRITERIOS	PUNTUACIÓN MÁXIMA
3.1.1. Apostar por un uso sostible dos recursos. Preservación, conservación, reciclaxe, reutilización e valorización dos recursos endóxenos do territorio e mellora ambiental.	10
3.1.2. Aproveitamento, preservación e valorización dos recursos pesqueiros; preservación do medio mariño; melloras nas condicións laborais do sector, innovacións no sector.	10
3.1.3 Aproveitamento do patrimonio cultural material e inmaterial vinculado ao mar (carpintería de ribeira, tradicións, oficios artesanais, etc.) ou o patrimonio costeiro.	8
3.1.4 Iniciativas de turismo mariñeiro, turismo náutico, e actividades de lecer relacionadas co litoral.	8
Puntuación máxima neste apartado	10

3.2. Incidencia sobre aspectos sociais e de prestación de servizos que melloren a calidade de vida das poboación locais.

O criterio de referencia para valorar é a repercusión social do proxectos, mellorando a prestación de servizos á poboación, á comunidade pesqueira, a xeración de emprego e a promoción da cooperación.

CRITERIOS	PUNTUACIÓN MÁXIMA
3.2.1. Proxectos que impliquen unha mellora na prestación de servizos a colectivos desfavorecidos e á poboación en xeral.	8
3.2.2. Proxectos que promovan unha mellora da calidade de vida das persoas do sector pesqueiro, ou que procuren a conciliación da vida persoal, laboral e familiar deste colectivo.	8
3.2.3. Proxectos que supoñan a creación de postos de emprego (2 puntos por cada emprego creado ou consolidado).	6
3.2.4. Proxectos que impliquen a cooperación entre varias entidades para mellorar a calidade de vida da poboación local.	6
Puntuación máxima neste apartado	10

3.3. Incidencia na mitigación e adaptación ao cambio climático e transición a unha economía de baixas emisións de carbono

O criterio de referencia incide en accións concretas relacionadas coa mellora da eficiencia ou o aproveitamento enerxético ou utilización de enerxías renovables.

CRITERIOS	PUNTUACIÓN MÁXIMA
3.3.1. Utilización de enerxías renovables.	5
3.3.2. Adquisición, utilización ou reformas de equipos, equipamentos, etc. ou instalacións, reformas que melloren a eficiencia enerxética.	5
3.3.3. O proxecto implica a investigación relacionada cos aproveitamentos enerxéticos (enerxía maremotriz, biocombustibles mariños,...).	5
Puntuación máxima neste apartado	5

4. Aspectos relacionados coas características do proxecto

Este criterio proporcionará un máximo de 25 puntos. Este grupo de factores fai referencia a diferentes aspectos relacionados coas características e a natureza do proxecto que se vai a poñer en marcha. Valorarase a súa capacidade de innovación, o seu carácter integrador e a súa capacidade de transferencia e capacidade de arrastre.

4.1. Carácter innovador do proxecto	
O criterio incide no carácter novidoso do proxecto: que o proxecto sexa unha actividade innovadora ou inexistente no territorio; que implique unha innovación ou integración de TIC na cadea vertical da pesca, nas prácticas, condicións de traballo e seguridade no sector, ou noutros sectores estratéxicos da economía local.	
CRITERIOS	PUNTUACIÓN MÁXIMA
4.1.1. Actividade innovadora ou inexistente no concello onde se promova o proxecto. Xuntarse informe do concello ou entidade competente.	10
4.1.2. Innovación ou incorporación de TIC na cadea vertical da pesca, novos produtos, servizos, aproveitamentos, tratamentos ou novas actividades.	10
4.1.3. Innovación en materia de prácticas, seguridade, saúde e hixiene no traballo da pesca.	10
4.1.4. Innovación ou incorporación de TIC noutros sectores.	7
Puntuación máxima neste apartado	15

4.2. Carácter integrado do proxecto	
Este apartado centraríase en valorar a capacidade de integración entre varios axentes para a promoción de proxectos, ou o establecemento de redes de cooperación.	
CRITERIOS	PUNTUACIÓN MÁXIMA
4.2.1. Supón a cooperación ou colaboración entre entidades do territorio, o aproveitamento ou valorización conxunta de recursos do mesmo.	5
4.2.1. Supón a colaboración con centros de investigación, formación, universidades, ou establecemento de redes, sinerxías entre entidades.	5
Puntuación máxima neste apartado	5

4.3. Capacidade de transferencia e capacidade de arrastre do proxecto

A capacidade de transferencia refírese ás posibilidades que ten o proxecto para ser exportado a outros lugares do territorio, ou ben de fóra do territorio. A capacidade de arrastre valorará o efecto multiplicador do proxecto, e a súa capacidade motora, para estimular o xurdimento de novas iniciativas na zona ou afianzar empresas e actividades existentes.

CRITERIOS	PUNTUACIÓN MÁXIMA
4.3.1. Capacidade de transferencia no territorio.	3
4.3.2. Capacidade de transferencia fóra do territorio.	2
4.3.3. Capacidade de arrastre do proxecto.	2
Puntuación máxima neste apartado	5

8.2.6. Matriz de valoración de proxectos

Unha vez que se realizou a correspondente valoración nos diferentes criterios, é necesario asignar a porcentaxe de axuda que lle vai a corresponder a cada proxecto que sexa seleccionado, tendo en consideración a regra xeral de financiamento, ou as excepcións que comentábamos anteriormente. Para iso existen uns intervalos de puntuación que determinarán a cantidade de axuda, en función do investimento total que se realice, realizadas as correspondentes deducións e elementos non financiáveis. Móstranse os toques aos que poderá chegar a axuda.

INTERVALOS DE PUNTUACIÓN PROXECTOS					
Intervalo de puntuación	Productivos		Intervalo de puntuación	Non productivos	
	Regra xeral	Excepcións		Regra xeral	Excepcións
De 20 a 25	25%	40%	De 30 a 35	25%	50%
De 26 a 30	30%	48%	De 36 a 40	30%	60%
De 31 a 35	35%	56%	De 41 a 45	35%	70%
De 36 a 40	40%	64%	De 46 a 50	40%	80%
De 41 a 49	45%	72%	De 51 a 59	45%	90%
>/= de 50	50%	80%	>/= de 60	50%	100%